



BILTEN

KOLEKTIVNO PAMĆENJE

EL META CON MIRADA DE MUJER - KOLUMBIJA

El Meta con Mirada de Mujer je ženska organizacija iz regije Meta u Kolumbiji. Počeci ove mreže datiraju iz 1987. godine, kada se grupa žena okupila radi rada na obezbjedjivanju adekvatnih obrazovnih ustanova za djecu u svojoj regiji. Otad je El Meta con Mirada de Mujer izrasla u jednu od vodećih organizacija za ženska prava u Meti. Misija organizacije je da osigura dostojanstven život za žene, pri čemu je seksualno i rodno utemeljeno nasilje jedna od tri glavne oblasti njihovog rada.



U sklopu ove misije, Meta con Mirada de Mujer u regiji Meta i šire organizuje razne aktivnosti na promociji kolektivnog sjećanja na iskustva žena u kolumbijskom konfliktu - uključujući i iskustva žena koje su preživjele seksualno nasilje.

Za jednu od svojih aktivnosti kolektivnog sjećanja, Meta con Mirada de Mujer je ženama širom regije Meta podijelila bijele čaršafe i zamolila ih da bojom prenesu svoj bol i iskustva. Oslikani čaršafi su zatim korišteni tokom velike protestne šetnje da se skrene pažnja na patnje žene tokom konflikta u Kolumbiji. Čaršafi su nakon toga vraćeni u njihova rodna sela i bili izloženi u javnim prostorima poput zgrade opštine i crkve. Ovom aktivnošću je ne samo promovisano iscjeljenje i izražavanje osjećaja preživjelih, nego su iskustva žena iz regije Meta učinjena vidljivim i u njihovim zajednicama.



Žene članice Meta con Mirada de Mujer su osim toga daleveliki broj intervjuua i bile predstavljene u člancima i video-zapisima koji dokumentuju nasilje kroz koje su žene prošle u sukobu. Meta con Mirada de Mujer trenutno saraduje sa Nacionalnim centrom za historijsko pamćenje (Centro Nacional de Memoria Historica) na stvaranju fizičkog i virtuelnog memorijala koji će uključivati portrete i priče preživjelih žrtava seksualnog nasilja vezanog za sukob u Kolumbiji. Na taj način će putem ovog projekta za priče preživjelih iz Kolumbije saznati cijeli svijet.

Saznajte više o El Meta con Mirada de Mujer [ovdje](#).



Asoc. El Meta con Mirada de Mujer